

Sarajevo, 19.01.2021.godine

Na osnovu člana 72. stav (3) tačka a) Zakona o javnim nabavkama („Službeni glasnik BiH“ br. 39/14), te člana 41. Statuta preduzeća, u postupku javne nabavke br. **KZ 98/20**, donosi se:

ODLUKA

o izboru drugorangiranog ponuđača u postupku

Član 1.

Ugovor za javnu nabavku usluga: „**Analize uzoraka vode za piće**“ - postupak nabavke broj **KZ 98/20** dodjeljuje se drugorangiranom ponuđaču u postupku: J.U. Zavod za javno zdravstvo Kantona Sarajevo ponuda broj: 05-13-106-6211/20 od 14.10.2020. godine za ponuđenu cijenu nakon provedene e-aukcije u iznosu: **15.050,00 KM bez PDV-a**. Cijena ponude izabranog ponuđača je u okviru procijenjene vrijednosti nabavke.

Član 2.

Sa izabranim ponuđačem će se zaključiti ugovor u skladu sa članom 72. Zakona o javnim nabavkama.

Član 3.

Ova odluka stupa na snagu danom donošenja.

O b r a z l o ž e n j e

U postupku nabavke broj KZ 98/20 za nabavku usluga: **Analize uzoraka vode za piće** – objavljenom na portalu JN obavještenjem o nabavci broj: 247-7-2-161-3-290/20 od dana 02.10.2020. godine, na osnovu preporuke Komisije za javne nabavke broj: KZ 98/20 od 05.11.2020. godine donesena je Odluka o izboru najpovoljnijeg ponuđača broj KZ 98/20 od 04.01.2021. godine, kojom je za najpovoljnijeg ponuđača izabran ponuđač: „Euro Inspekt“ d.o.o. Sarajevo.

U Zapisniku komisije o pregledu i ocjeni ponuda broj: KZ 98/20 od 05.11.2020. godine, od strane Komisije za javne nabavke konstatovano je da su prihvatljive ponude sljedećih ponuđača :

R. Br.	Ponuđač	Početna cijena ponude u KM bez PDV-a
1.	J.U. Zavod za javno zdravstvo Kantona Sarajevo	24.000,00 KM*
2.	„Euro Inspekt“ d.o.o. Sarajevo	24.000,00 KM*

*Označava cijenu na koju se primjenjuje preferencijalni tretman

E-aukcija je u sistemu e-nabavke zakazana na dan 05. 11. 2020 godine u 10:00:00 sati.

Iz izvještaja o toku i završetku e-aukcije, koji je preuzet iz sistema e-nabavke, je vidljivo da je e-aukcija trajala od 10:00:00 sati do 10:41:00 sati.

Izvještaj o toku i završetku e-aukcije sadrži i konačnu rang listu ponuđača kako slijedi:

R. Br.	Ponuđač	Konačna cijena ponude u KM bez PDV-a
1.	„Euro Inspekt“ d.o.o. Sarajevo	14.500,00 KM*
2.	J.U. Zavod za javno zdravstvo Kantona Sarajevo	15.050,00 KM*

*Označava cijenu na koju se primjenjuje preferencijalni tretman

Odluka o izboru najpovoljnijeg ponuđača i Obavještenje o rezultatu postupka su putem faxes ili e-maila dostavljeni svim učesnicima u postupku dana: 04.01.2021. godine.

Rok za dostavu kvalifikacione dokumentacije u skladu sa tenderskom dokumentacijom je 5 dana od dana zaprimanja obavještenja o rezultatu postupka javne nabavke.

Konstatovano je da je ponuđač: „Euro Inspekt“ d.o.o. Sarajevo u predviđenom roku na adresu ugovornog organa dana: 04.01.2021. godine, putem protokola br. 292/20 dostavio dokaze iz člana 45. Zakona o javnim nabavkama. Pregledom dostavljenih dokumenata Komisija je konstatovala da je ponuđač „Euro Inspekt“ d.o.o. Sarajevo u zahtjevanom roku dostavio iz čl. 45 ZJN kvalifikacionu dokumentaciju i to:

- Ovjerena kopija uvjerenja Općinskog suda u Sarajevu br: 65 0 Kr 0010511 20 u smislu dokazivanja činjenica iz čl.45 tačka a) ZJN od 18.08.2020.godine
- Ovjerena kopija uvjerenja Općinskog suda u Sarajevu br: 065-0-R-20-001715 u smislu dokazivanja činjenica iz čl.45 tačka b) ZJN od 18.08.2020.godine
- Ovjerena kopija uvjerenja Porezne uprave FBiH- Kantonalni porezni ured Sarajevo br. 13-9-/2-12-5-2548/20DL da ponuđač nema neizmirenih obaveza od 26.08.2020.godine
- Komisija konstatuje da ponuđač u ovom postupku u zahtjevanom roku nije dostavio Original ili ovjerenu kopiju Uvjerenja Suda BiH u smislu dokazivanja činjenica iz čl.45 tačka a) ZJN a i Ovjerenu kopiju uvjerenja Uprave za indirektno oporezivanje da ponuđač nema neizmirenih obaveza što je isti bio obavezan dostaviti prema tački 13.TD koja glasi:

Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze u svrhu dokazivanja činjenica potvrđenih u izjavi i to:

a) uvjerenje/izvod/potvrda iz kaznene evidencije nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

Ponuđači iz Bosne i Hercegovine su obavezni kumulativno dostaviti sljedeće dokumente:

- uvjerenje/izvod/potvrda iz kaznene evidencije Suda BiH kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća

organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini;

- uvjerenje/izvod/potvrda iz kaznene evidencije nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini.

Napomena:

Prema navedenom, ponuđač koji je registrovan u Bosni i Hercegovini je dužan da dostavi uvjerenje/izvod/potvrda izdato od strane Suda BiH i suda nadležnog prema svom sjedištu, iz kojeg je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz člana 45. stav (1) tačka a) Zakona.

Nije prihvatljivo uvjerenje/izvod/potvrda izdato od bilo kojeg suda u BiH, u kojem nisu naznačena sva navedena krivična djela, već samo neka od njih ili uvjerenje suda koji uopšte nije nadležan prema sjedištu ponuđača.

b) uvjerenje/izvod/potvrda nadležnog suda ili organa uprave kod kojeg je registriran ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti u skladu sa važećim propisima u Bosni i Hercegovini ili zemlji u kojoj je registrovan;

c) uvjerenje/izvod/potvrda nadležnih institucija (nadležne poreske uprave ili ukoliko se radi o ponuđaču koji nije registrovan u Bosni i Hercegovini) kojim se potvrđuje da je ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje;

d) uvjerenje/izvod/potvrda nadležnih institucija da je ponuđač uredno izmirio dospjele obaveze u vezi s plaćanjem direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršava svoje obaveze i taj ponuđač neće biti kvalifikovan u ovom postupku javne nabavke.

Dokazi koje je dužan dostaviti izabrani ponuđač moraju potvrditi da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti na protokol ugovornog organa na adresi Terezija br. 38, a u roku od 5 dana od dana zaprimanja obavještenja o rezultatima ovog postupka javne nabavke.

Dokazi koje dostavlja izabrani ponuđač ne mogu biti stariji od tri mjeseca, računajući od dana predaje ponude /unazad tri mjeseca/ s tim da navedeni dokumenti po datumu izdavanja, mogu biti izdati i nakon dostavljanja ponude ili zahtjeva za učestvovanje, ali pod uslovom da su u dostavljenim dokumentima navedene činjenice o stanju ponuđača na dan dostavljanja ponude ili zahtjeva za učestvovanje (bitno je da ponuđač dostavljenim dokumentima izdatim od nadležnog organa dokaže da je istinito ono što je naveo u svojoj izjavi na dan dostavljanja ponude ili zahtjeva za učestvovanje i da ne postoji niti jedan razlog da njegova ponuda ili zahtjev za učestvovanje budu odbačeni.

Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ) ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

Napomena: Ponuđač može uz izjavu tj. uz svoju ponudu, odmah dostaviti i tražene dokaze koji su navedeni u Izjavi. Ovim se ponuđač oslobađa obaveze naknadnog dostavljanja dokaza, ako bude izabran. Dostavljeni dokazi moraju biti originali ili ovjerene kopije (Sud, Opština ili notar) i ne mogu biti stariji od 3 (tri) mjeseca, računajući od dana predaje ponude.

Shodno navedenom utvrđeno je da ponuđač „Euro Inspekt“ d.o.o. Sarajevo nije postupio u skladu sa tačkom 13. TD, u pogledu dokazivanja lične sposobnosti te da se sa istim ne može pristupiti zaključivanju ugovora.

Iz gore navedenih razloga, primjenom odredbi člana 72. stav (3) tačka a) Zakona o javnim nabavkama („Službeni glasnik BiH“ br. 39/14), donesena je Odluka o izboru drugorangiranog ponuđača u postupku nabavke usluga: **Analize uzoraka vode za piće** i njemu će se ponuditi prijedlog ugovora.

Dostaviti :

- J.U. Zavod za javno zdravstvo Kantona Sarajevo

- a/a



v.d. Direktor

Aida Pendek
Aida Pendek, dipl.ing.građ.